

## Wer schreibt, der bleibt!

Moin ahle Kummbeer Schorsch hott merr verzählt, dass er oogefonge hott, ebbes vunn sich unn soine Familie uffzeschreibe. Weil onn Weihnachte deet merr gern onn frieher denke.

Waaßde, hodder gesaad, merr waaß joo nitt wie long unserooner noch mächt, unn doo isse gut, wenn die Kinner unn die Enkel emol lese kennde, was mir su in moim Lewe bassierd iss. Honnes, was dusden doodefoo halle?

Dess gefällt merr, Schorsch, habb isch ze Antwort gewwe, wer schreibt, der bleibt, dess hawwe merr schunn immer gesaad, unn doo iss werklisch ebbes droo. Awwer konnsde dich donn noch onn alles erinnern?

Naa, seet de Schorsch, nodierlich nitt. Ich habb oogefonge doodemett, dass isch de erst emol in moim Schuhkarton nooch Fotos vunn frieher gesucht habb. Wonn genau dess oone odder onnere gemachd worrn iss, dess iss nitt su wischdisch, uff e Jahr enuff odder enunner kimmts doo nitt oo.

Was willsden su alles uffschreibe?, frooch isch.

Ja, su Kinnerbilder habb isch joo nitt vill, de Vadder iss im Kriesch gewese unn nor wenn er mol ferr e paar Daach Urlaub gehabbd hott, hodder aach e paar Bilder vunn soine Fraa, also unseerne Mudder, unn vunn mir unn moine Schwester gemacht, kloone Bildscher hotts donn gewwe, su gezackt ringserum, awwer halt e paar Bilder, mett dene die Erinnerung kumme unn onn dene merr se fest mache kann. Uff oom vunn dene Bilder bist du aach druff unn aach de Kall.

Ja, saach isch unn grins, de Kall, dess hawwe merr doomols gesaad, bisser nooch de Kerweborsch sich umgedaafd hott unn nor noch „Karl“ genennd soi wollt, meddem rolende „r“, awwer was solls, jeder vunn uns hott soi Macke.

Aach de Schorsch hott gegrinst. Ja de Karl. Dess hodder mol inneme Film geheerd unn vunn dem Owend ab wolder nor noch Karl gehaasse wern.

Schorsch, awwer verzähl emol weider wassde mache willst mett doine Schreiwerei.

Ei ja. Waaßde noch, wie merr Kohle gesommeld hawwe, newer de Schiene Rischdung Keramag? Dem Bohndomm entlong iss enn Schitzegrawe geloffe, in den mussde merr emol enoihibbe, wie enn Tieffliescher kumme iss unn die Schiene beschosse hott. Donn hawwe merr Fluuchblädder gesommeld, awwer hawwe die im Hosesäckel versteckeld. Mir warn su ebbes unner zeh Jahr alt, hawwe awwer schunn gewissd, dass merr die nor dehoom bei zuene Hausdier lese dorft unn se donn verbrenne musst.

Donn wie die Ami in Flerschem oimarschierd sinn, omm 28. März 1945 korrz noch emm Esse, doo hawwe merr all dess ersde Mol enn Nee... enn Schwarze geseh, awwer grad su ooner hottmerr e Tafel Schokolad geschenkt, dess due isch in moim gonse Lewe nitt vergesse. Dess sinn halt su Sache, die isch uffschreibe due.

Schorsch, saach isch, aach wie Flerschem doomols ausgeseh hott, mett de Lettschkaut, dene gonse Boomsticker uff die Keramag zu, o Jesses, wennde dess alles emol uffschreibe willst, donn eil dich. Weil jetzt konnsde noch den oone odder onnern frooche, in e paar Jahr sinn nimmi vill vunn uns doo.

Ja, seet de Schorsch, unn wer heit noch doo iss will monschmol vunn dene ahle Zeide nix mieh wisse.

Eiern Honnes